



**Broj/Број: 02 –50 –1-67-33/'04
Sarajevo/Сарајево: 23.11.2004.**

**ZAPISNIK
33. sjednice Doma naroda
Parlamentarne skupštine Bosne i Hercegovine,
održane 23. novembra 2004. godine**

Sjednica je počela u 11,20 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Na sjednici je bilo 14 delegata.

Delegat Osman Brka je opravdao izostanak.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnog informisanja.

Dom naroda usvojio je sljedeći dopunjeni

D N E V N I R E D

1. Odgovori na delegatska pitanja i delegatska pitanja
2. Zapisnik sa 32. sjednice Doma naroda
3. Izvještaj Zajedničke komisije o nastojanju za postizanje sporazuma o identičnom tekstu Zakona o Agenciji za unapređenje inostranih investicija
4. Izvještaj Zajedničke komisije o nastojanju za postizanje sporazuma o identičnom tekstu Zakona o uplatama na jedinstveni račun i raspodjeli prihoda
5. Izvještaj Zajedničke komisije o nastojanju za postizanje sporazuma o identičnom tekstu Zakona o finansiranju institucija Bosne i Hercegovine
6. Izvještaj Zajedničke komisije o nastojanju za postizanje sporazuma o identičnom tekstu Zakona o carinskoj politici Bosne i Hercegovine
7. Zahtjev Vijeća ministara za razmatranje Prijedloga zakona o izmjenama Okvirnog zakona o zalozima po hitnom postupku, u skladu sa članom 100. Poslovnika
8. Zahtjev Vijeća ministara za razmatranje Prijedloga zakona o izmjeni Zakona o koncesijama po hitnom postupku, u skladu sa članom 100. Poslovnika
9. Prijedlog zakona o izmjenama i dopunama Zakona o uvozu i izvozu oružja i vojne opreme – prvo čitanje
10. Prijedlog zakona o osnivanju Izvozno-kreditne agencije BiH (IGA) – prvo čitanje
11. Informacija Vijeća ministara Bosne i Hercegovine o unutrašnjoj zaduženosti
12. Davanje saglasnosti za ratifikaciju Deklaracije o antidoping u sportu

13. Davanje saglasnosti za ratifikaciju Sporazuma o razvojnom kreditu (Kredit za prilagođavanje ekonomskog upravljanja – EMSAC) između Bosne i Hercegovine i Međunarodne asocijacije za razvoj - IDA
14. Davanje saglasnosti za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vijeća ministara Republike Albanije
15. Davanje saglasnosti za ratifikaciju Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji
16. Davanje saglasnosti za ratifikaciju Sporazuma o razvojnom kreditu (Drugi projekat podrške zapošljavanju) između BiH i Međunarodne asocijacije za razvoj (SESP)
17. Davanje saglasnosti za ratifikaciju Sporazuma o razvojnom kreditu između BiH i Međunarodne asocijacije za razvoj (IDA) – Drugi kredit za prilagođavanje socijalnog sektora (SOSAC II)
18. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Bjelorusije o drumskom prijevozu putnika i tereta
19. Davanje saglasnosti za ratifikaciju Konvencije o saradnji na zaštiti i održivoj upotrebi rijeke Dunav (Konvencija o zaštiti rijeke Dunav)

Ad-1. Odgovori na delegatska pitanja i delegatska pitanja

Odgovore na delegatska pitanja dobili su: Mustafa Pamuk, Velimir Jukić, Vinko Radovanović i dva odgovora je dobio Tomislav Limov.

Delegati Mustafa Pamuk, Velimir Jukić i Vinko Radovanović su zadovoljni odgovorom.

Delegat Tomislav Limov je zamolio da se na idućoj sjednici izjasni o odgovorima na svoja delegatska pitanja.

Delegat Halid Genjac je postavio Predsjedništvu BiH i Vijeću ministara BiH, slijedeća delegatska pitanja:

Šta se dešava sa dozvolama za Međunarodni transport i zbog čega se u javnosti pojavljuju tvrdnje da se te dozvole mogu nabaviti na trafikama po basnoslovnim sumama?

Da li je postupak izdavanja dozvola za međunarodni transport pod kontrolom?

Član Predsjedništva Bosne i Hercegovine Dragan Čović izjavio je da će biti teško dokazati tužbu Bosne i Hercegovine pred Međunarodnim sudom pravde protiv Srbije i Crne Gore.

Molim člana Predsjedništva da mi odgovori:

Koje su to smetnje da se to može teško dokazati?

Šta je gosp. Čović kao član Predsjedništva preduzeo da se otklone smetnje za dokazivanje tužbe?

Delegat Tomislav Limov je postavio Predsjedništvu BiH i Vijeću ministara BiH, slijedeće delegatsko pitanje:

Iz kojih razloga do danas nije realizovan zaključak 12. sjednice Doma naroda Parlamentarne skupštine Bosne i Hercegovine, održane 30.09.2003. godine, kojim je Dom naroda zatražio od Vijeća ministara BiH i Predsjedništva BiH da u prvom kvartalu 2004. godine u tekst dokumenta “Sigurnosna politika Bosne i Hercegovine” ugrade reformska rješenja u Bosni i Hercegovini iz područja sigurnosne politike i dostave tako dopunjen Dokumentu Domu naroda Parlamentarne skupštine Bosne i Hercegovine na usvajanje?

Delegat Boško Šiljegović je postavio Agenciji za državnu službu BiH slijedeće delegatsko pitanje:

Kakva je nacionalna zastupljenost u Agenciji za državnu službu?

Delegat Velimir Jukić je postavio Vijeću ministara, Vladi Federacije BiH i Vladi Republike Srpske slijedeće delegatsko pitanje:

Koliko je evidentirano krivičnih dijela, napada na vjerske službenike (velikodostojnike) i vjerske objekte u razdoblju od 2000 –te godine?

Šta vlasti Republike Srpske, Federacije BiH i Vlasti Bosne i Hercegovine čine radi povećanja opće sigurnosti i prevencije sve učestalijih napada na građane i imovinu građana a naročito na vjerske službenike (velikodostojnike) i vjerske objekte?

Povod za ovo pitanje je mučko ubistvo katoličkog svećenika, župnika Kazimira Višatickog u Župi Sv. Roka u Bosanskoj Gradiški, u četvrtak 18. studenog 2004.g.

Ad-2. Zapisnik sa 32. sjednice Doma naroda

Zapisnik sa 32. sjednice Dom naroda jednoglasno je usvojen.

Ad-3. Izvještaj Zajedničke komisije o nastojanju za postizanje sporazuma o identičnom tekstu Zakona o Agenciji za unapređenje inostranih investicija

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o Agenciji za unapređenje inostranih investicija.

Ad-4. Izvještaj Zajedničke komisije o o nastojanju za postizanje sporazuma o identičnom tekstu Zakona o uplatama na jedinstveni račun i raspodjeli prihoda

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o uplatama na jedinstveni račun i raspodjeli prihoda.

Ad-5. Izvještaj Zajedničke komisije o o nastojanju za postizanje sporazuma o identičnom tekstu Zakona o finansiranju institucija Bosne i Hercegovine

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o finansiranju institucija Bosne i Hercegovine.

Ad-6. Izvještaj Zajedničke komisije o nastojanju za postizanje sporazuma o identičnom tekstu Zakona o carinskoj politici Bosne i Hercegovine

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o carinskoj politici Bosne i Hercegovine.

Ad-7. Zahtjev Vijeća ministara za razmatranje Prijedloga zakona o izmjenama Okvirnog zakona o zalozima po hitnom postupku, u skladu sa članom 100. Poslovnika

U raspravi je učestvovao predstavnik Vijeća ministara.

Dom naroda usvojio je zahtjev Vijeća ministara za razmatranje Prijedloga zakona o izmjenama Okvirnog zakona o zalozima po članu 100. Poslovnika Doma naroda nakon čega je Zakon jednoglasno usvojen.

Ad-8. Zahtjev Vijeća ministara za razmatranje Prijedloga zakona o izmjeni Zakona o koncesijama po hitnom postupku, u skladu sa članom 100. Poslovnika

U raspravi nije niko učestvovao

Dom narod usvojio je zahtjev Vijeća ministara za razmatranje Prijedloga zakona o izmjeni Zakona o koncesijama po članu 100. Poslovnika Doma naroda nakon čega je Zakon jednoglasno usvojen.

Ad-9. Prijedlog zakona o izmjenama i dopunama Zakona o uvozu i izvozu oružja i vojne opreme – prvo čitanje

U raspravi su učestvovali: Hasan Čengiđ, Halid Genjac, pomoćnik ministra u Minisarstvu vanjske trgovine i ekonomskih odnosa., Dragiša Mekić.

Dom naroda usvojio je u prvom čitanju Prijedlog zakona o izmjenama i dopunama Zakona o uvozu i izvozu oružja i vojne opreme sa slijedećim zaključkom:

« Da nadležna komisija, u skladu sa članom 90.3. Poslovnika Doma naroda u roku od 15 dana, napravi novi izvještaj. Istovremeno se ostavlja mogućnost da delegati u istom roku podnesu amandmane.»

Ad-10. Prijedlog zakona o osnivanju Izvozno-kreditne agencije BiH (IGA) – prvo čitanje

U raspravi su učestvovali: Hasan Čengiđ, direktor Svjetske banke, Dirk Reinermann, Halid Genjac, Tomislav Limov, Mustafa Pamuk, Velimir Jukić, predstavnik Vijeća ministara, Jusuf Kumalić, Hilmo Neimarlija, Vinko Radovanović, Nade Radović i Ilija Filipović.

Dom naroda jednoglasno je usvojio u oba čitanja Prijedlog zakona o osnivanju Izvozno-kreditne agencije BiH (IGA) sa slijedećim amandmanima:

Amandman 1.

U članu 4. stav 2. se mijenja i glasi:

«2. Agencija je samostalno, nedepozitno i neprofitno pravno lice sa punim ovlaštenjima i posluju u skladu sa principima o likvidnosti i osiguranja poslovanja bez gubitaka.»

Amandman 2.

U članu 4. stav 4. se mijenja i glasi:

«Na osobe uposlene u Agenciji ne primjenjuju se odredbe Zakona o državnoj službi u institucijama Bosne i Hercegovine.

Zapošljavanje i unapređenje profesionalne karijere zaposlenih u Izvozno – kreditnoj Agenciji zasniva se na javnom natječaju i profesionalnoj sposobnosti u skladu sa pravilnikom o unutrašnjoj organizaciji i sistematizaciji radnih mjesta Agencije.

Struktura zaposlenih u Agenciji okvirno odražava nacionalnu strukturu stanovništva Bosne i Hercegovine prema posljednjem popisu»

Amandman 3.

U članu 7. stav 1. briše se «tačka» i stavlja «zarez», te se dodaje tekst «u skladu sa ovim zakonom»

U istom članu brišu se stavovi 2. i 3., te u naslovu člana riječi «i imunitet»

Amandman 4.

Član 8. se briše

Amandman 5.

U članu 10. u stav 2. na kraju rečenice stavlja se zarez i dodaje «po principu zastupljenosti konstitutivnih naroda BiH»

Amandman 6.

U članu 14. iza stav 2. dodaje se novi stav 3. koji glasi:

«3. Upravni odbor dužan je Vijeću ministara BiH i Parlamentarnoj skupštini BiH dostaviti izvještaj o svom radu najmanje jednom godišnje.»

Dosadašnji stavovi 3. i 4. postaju 4. i 5.

Budući da je Zakon usvojen u različitom tekstu u odnosu na Predstavnički dom, Dom naroda imenovao je slijedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Halid Genjac
- Velimir Jukić
- Nade Radović

Ad-11. Informacija Vijeća ministara Bosne i Hercegovine o unutrašnjoj zaduženosti

U raspravi su učestvovali: Nade Radović, Tomislav Limov, Hasan Čengić i predstavnik Vijeća ministara, Jusuf Kumalić.

Dom naroda jednoglasno je primio k znanju Informaciju Vijeća ministara Bosne i Hercegovine o unutrašnjoj zaduženosti sa slijedećim zaključkom:

“Da Vijeće ministara BiH pripremi cjelovit izvještaj o aktivnostima na rješavanju pitanja unutrašnjeg zaduživanja BiH sa detaljnim podacima o obavezama i analizama posljedica predloženih rješenja.”

Ad-12. Davanje saglasnosti za ratifikaciju Deklaracije o antidoping u sportu

U raspravi je učestvovao Ilija Filipović.

Dom naroda jednoglasno je dao saglasnost za ratifikaciju Deklaracije o antidoping u sportu.

Ad-13. Davanje saglasnosti za ratifikaciju Sporazuma o razvojnom kreditu (Kredit za prilagođavanje ekonomskog upravljanja – EMSAC) između Bosne i Hercegovine i Međunarodne asocijacije za razvoj - IDA

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma o razvojnom kreditu (Kredit za prilagođavanje ekonomskog upravljanja – EMSAC) između Bosne i Hercegovine i Međunarodne asocijacije za razvoj – IDA.

Ad-14. Davanje saglasnosti za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vijeća ministara Republike Albanije

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vijeća ministara Republike Albanije.

Ad-15. Davanje saglasnosti za ratifikaciju Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji.

Ad-16. Davanje saglasnosti za ratifikaciju Sporazuma o razvojnom kreditu (Drugi projekat podrške zapošljavanju) između BiH i Međunarodne asocijacije za razvoj (SESP)

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma o razvojnom kreditu (Drugi projekat podrške zapošljavanju) između BiH i Međunarodne asocijacije za razvoj (SESP).

Ad-17. Davanje saglasnosti za ratifikaciju Sporazuma o razvojnom kreditu između BiH i Međunarodne asocijacije za razvoj (IDA) – Drugi kredit za prilagođavanje socijalnog sektora (SOSAC II)

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma o razvojnom kreditu između BiH i Međunarodne asocijacije za razvoj (IDA) – Drugi kredit za prilagođavanje socijalnog sektora (SOSAC II).

Ad-18. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Bjelorusije o drumskom prijevozu putnika i tereta

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma između Vijeća ministara Bosne i Hercegovine i Vlade Republike Bjelorusije o drumskom prijevozu putnika i tereta.

Ad-19. Davanje saglasnosti za ratifikaciju Konvencije o saradnji na zaštiti i održivoj upotrebi rijeke Dunav (Konvencija o zaštiti rijeke Dunav)

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Konvencije o saradnji na zaštiti i održivoj upotrebi rijeke Dunav.

Sjednica je završena u 15,00 sati.

Sastavni dio ovog zapisnika je neautorizovani transkript sjednice.

**SEKRETAR
DOMA NARODA
Jadranko Tomić**

**PREDSJEDAVALAČI
DOMA NARODA
Goran Milojević**